

basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IBANGA LE-12

ISIZULU ULIMI LWASEKHAYA (HL)

IPHEPHA LESITHATHU (P3)

NOVEMBA 2013

AMAMAKI: 100

ISIKHATHI: amahora ama-21/2

Leli phepha linamakhasi ayisi-7.

IMIYALELO KWABAHLOLWAYO

1. Leli phepha lehlukaniswe iziqephu EZINTATHU:

ISIQEPHU A: Indaba (50) ISIQEPHU B: Imibhalo emide edlulisa imiyalezo (30) ISIQEPHU C: Imibhalo emifushane edlulisa imiyalezo (20)

- 2. Ohlolwayo kulindeleke ukuba aphendule umbuzo OWODWA esiqeshini A, OWODWA esiqeshini B kanye noWODWA esiqeshini C.
- 3. Phendula imibuzo ngesiZulu.
- 4. Ohlolwayo makaqale umbuzo ngamunye EKHASINI ELISHA.
- 5. Bhala uhlaka ekhasini lephepha lakho lokuphendula imibuzo, lube sekhasini lwalo lodwa. (Indaba kuphela edinga uhlaka.)
- 6. Uyayalwa ukuba usebenzise isikhathi sokubhala ngale ndlela elandelayo:

ISIQEPHU A: Amaminithi angama-80 ISIQEPHU B: Amaminithi angama-40 ISIQEPHU C: Amaminithi angama-30

- 7. Ungaziguquli izinombolo zemibuzo. Zibhale njengoba zinjalo ephepheni lemibuzo.
- 8. Nikeza impendulo yakho isihloko esiyifanele. Amagama esihloko awabalwa, kubalwa amagama empendulo.
- 9. Ohlolwayo makagaphelisise upelomagama kanye nokwakheka kwemisho.
- 10. Bhala ngobunono nangesandla esifundekayo.

ISIQEPHU A: (Izindaba)

Ubude bendaba

Bhala ngamagama angama-340 kuya kwangama-390.

ISIQEPHU B: (Umbhalo odlulisa imiyalezo)

Ubude bombhalo

Bhala ngamagama ayi-100 kuya kwayi-120.

QAPHELA: Ohlolwayo uyayalwa ukuba abhale uhlobo lwalowo mbhalo awuphendulayo.

ISIQEPHU C: (Imibhalo emifushane enemiyalezo)

Ubude bombhalo

Bhala ngamagama angama-80 kuya kwayi-100.

QAPHELA: Ohlolwayo uyayalwa ukuba abhale uhlobo lwalowo

mbhalo awuphendulayo.

ISIQEPHU A: INDABA

UMBUZO 1

Khetha isihloko ESISODWA kwezilandelayo ubhale ngaso indaba ibe ngamagama angama-340 kuya kwangama-390.

Qaphela lokhu okulandelayo:

- Izethameli, irejista, ithoni kanye nesitayela.
- Ukukhethwa kwamagama kanye nezimiso zolimi.
- Isakhiwo sombhalo
- Indaba kumele ibe nohlaka
- 1.1 Bhala indaba ezokhombisa ukuthi uyayiqonda incazelo yalesi saga esilandelayo.

Yize Uvalo Ingobo Isibindi.

[50]

- 1.2 Bhala indaba ngalesi sihloko esilandelayo.
 - Yeka Lobu Buhle Bendalo KaMvelingqangi!

[50]

- 1.3 Izenzo zomngani wakho zakufundisa ukuthi ngempela amathanga ahlanzela abangenabhodwe.
 - Bhala indaba ezofakazela ubuqiniso ngalokhu okungenhla ngalo mngani wakho. Yinike isihloko indaba yakho.

[50]

- 1.4 Bhala indaba ngesihloko esilandelayo.
 - Ubuhle Nobubi Bokusebenzisa Izinkundla Zokuxhumana Ezahlukahlukene Ezinjengo-F*acebook, i-Mxit* Nezinye.

[50]

- 1.5 Bhala indaba ngalesi sihloko esilandelayo ukhombise ukuthi uyavumelana noma uyaphikisana naso.
 - Imibhikisho Esithe Chithi Saka Emiphakathini Yakuleli Ihlukumeza Ilungelo Lezingane Lokufunda.
- 1.6 Bhala indaba ngesihloko esilandelayo uchaze izizathu ezenza ukuthi intsha ithande izimpahla ezibizayo.
 - Intsha Yanamuhla Nezimpahla Ezibizayo.

[50]

[50]

1.7 Izithombe ezingezansi ku-1.7.1 no 1.7.2 ziqubula imizwa kanye nemicabango. Khetha isithombe ESISODWA ubhale ngaso indaba. Yinike isihloko indaba yakho.

QAPHELA: Indaba yakho mayibe nobudlelwane nesithombe osikhethile.

1.7.1



[Internet, August 2012]

[50]

1.7.2



[Drum, August 2012]

[50]

AMAMAKI ESIQEPHU A:

50

ISIQEPHU B: IMIBHALO EMIDE EDLULISA IMIYALEZO

UMBUZO 2

Khetha isihloko **ESISODWA** kulezi ezilandelayo.

Bhala ngesihloko osikhethile kube ngamagama ayi-100 kuya kwayi-120.

Qaphela lokhu okulandelayo:

- Izethameli, irejista, ithoni kanye nesitayela.
- Ukukhethwa kwamagama kanye nezimiso zolimi.
- Isakhiwo sombhalo

Bhala inombolo yombuzo kanye nesihloko sombhalo owukhethile. Isib.2.1 Incwadi Yobungane.

2.1 Nizuze umklomelo nabangani bakho wokuhamba ngomkhumbikazi 'iNdlovukazi Yolwandle', emncintiswaneni we 'Friends Like These' enikade niwungenele. Lo mkhumbikazi uzosuka echwebeni laseThekwini uye eMozambique ngesonto lokuqala kuZibandlela.

Bhala incwadi uxoxele umzala wakho ngenjabulo onayo ngalolu hambo.

[30]

2.2 Udadewenu ofunda ibanga le-12 usengumshungu nabangani abangaziphethe kahle. Ukuzibandakanya kwakhe nalaba bangani sekumphazamisa nasemsebenzini wakhe wesikole.

Bhala ingxoxo phakathi kukadadewenu kanye nothisha omfundisayo lapho emxwayisa ngalaba bangani.

[30]

2.3 Abazali bakho bavule ibhizinisi lokupheka, ukuhlobisa kanye nokuqashisa nganoma yini engasetshenziswa uma kunomcimbi. Bakucele ukuthi ubasize ekukhangiseni leli bhizinisi labo.

Bhala ibhrosha ezokhangisa ngokwenziwa kuleli bhizinisi ukuze kusizakale abazali bakho kanye nomphakathi. (Qaphela: Ayidingeki imidwebo).

[30]

2.4 Isigungu esiphethe isikole senu, sihlele umcimbi wokuhalalisela omunye wabafundi enifunda naye. Lo mfundi uzuze indondo yegolide emqhudelwaneni wama-Olimpiki obuseLandani. Isigungu sibe sesikuqoka ukuba ukhulumele abafundi kulo mcimbi.

Bhala Inkulumo elungiselelwe ozoyethula kulo mcimbi.

[30]

AMAMAKI ESIQEPHU B: 30

ISIQEPHU C: IMIBHALO EMIFUSHANE EDLULISA IMIYALEZO

UMBUZO 3

Khetha isihloko **ESISODWA** kulezi ezilandelayo.

Bhala ngesihloko osikhethile kube ngamagama angama-80 kuya kwayi-100.

Qaphela lokhu okulandelayo:

- Izethameli, irejista, ithoni kanye nesitayela.
- Ukukhethwa kwamagama kanye nezimiso zolimi.
- Isakhiwo sombhalo.

Bhala inombolo yombuzo kanye nesihloko sombhalo owukhethile. Isib.3.1 Ikhadi lesimemo.

3.1 Uyilunga lekomidi elibhekelele ukuqokelelwa kwezimali zesikhwama sokwakha indlu yesonto lenu. Nihlele umcimbi wokuqhudelana kwamakhwaya omculo wokholo ukuze nikhulise lesi sikhwama sokwakha.

Bhala ikhadi lesimemo umeme uSomabhizinisi wangakini ukuba abe yingxenye yalo mcimbi.

[20]

3.2 Umngane wakho ukujabulisile ngokwethula inkulumo enonhlonze emcimbini wakho wokugubha iminyaka engama-21.

Bhala iphosikhadi umbonge.

[20]

3.3 Unobhala wenhlangano yenu iBaqulusi Youth Organisation, ujutshwe ukuba ayonimela embizweni ezobe ise-Moses Mabhida Stadium. UMengameli uJacob Gedleyihlekisa Zuma uzobe ethula inkulumo yokugoqa unyaka kule nkundla. Unobhala ube esekushayela ucingo eserenki yamatekisi e-Durban Station wakucela ukuba umyalele indlela yokuya kule nkundla yezemidlalo.

Sebenzisa inkombandlela eku-Annexure A umyalele ukuthi uzofika kanjani kule nkundla.

[20]

AMAMAKI ESIQEPHU C: 20 AMAMAKI ESEWONKE: 100

I-ANNEXURE A

INKOMBANDLELA

